

金

壺

七

墨

全堂通墨卷一目錄

鉢池 黃鈞宰 天河

饒歌

禽言

李觀察書

周師孔

祭文

徐都堂

杖馬

賣草

吳夫人

陳東山

斷碑硯

乘槎記

盾鼻錄

義伶

孝伶

又

天籟

絕句

晚學齋詩詞

金壺逸墨卷一

鉢池 黃鈞宰 天河

饒歌

甲子江南肅清偶以詩賦課士擬大軍克復金陵饒歌
有王拱辰作云石頭風利阿童來火炬無煩鐵鎖開遙
憶策勲高會處凱歌齊上兩花臺掃穴禽渠爵上公威
聲久著大江東不知誰作軍司馬山斗文章紀戰功又
朱樟五律云江浙慶全收威名震九州元戎能戰守
天子自懷柔日照旌旗爛風高勅勦秋海波從此靖干

載頌金甌

禽言

江寧俞汝諧有小課禽言數首寫軍興苦況悲壯蒼涼錄其四云鵲鵲鵲雨多水漲生蘼蕪魚飛稻田蛙產窟可憐有地無人租免葵○劓得連根煮○霧笠○烟簑○愁不語○聞說明朝要打糧○相將又向他方去○交交桑扈○日色昏黃○桑柘苦○官軍盡數斫作薪○前往相求拔刀怒○柳絲拂地榆莢長○哀哀寡婦空提筐○野蠶作繭大如蠶○秋風那得成衣裳○得過且過○銜泥無力巢難做○翠翰剝落寒浸

膚况是今宵風雪大百丈虬枝嗟雙立微軀敢羨蛟龍
盤深山日暮行人稀夜雨荒郊鬼燈泣行不得也哥哥
河南河北皆干戈前逢官兵後逢盜飄零十日將如何
拂面西風塵撲漉荒厓白骨孤狸啄誰家雙鬢行得遲
橫拖馬上聞啼哭

李觀察書

曾公既克金陵京外官紳走書申賀謹守常格者居多
獨李次青觀察博引繁稱鋪張揚厲一書累三千言中
敘討賊之初以書生張空拳撓巨寇號召生徒子弟忍

饑轉戰備歷艱阻百折而不回及乎大功告成懋邀鉅
賞兄弟同日膺茅土以蕞爾一邑備有侯伯子男之封
建旌仗鉞寄專閫及方伯連帥之屬至以千百計可謂
如荼如火千載一時矣而得力尤在末一段寓規於頌
深得古人贈言之旨其辭云兩江督府兼綜河漕鹽法
及操江諸務殷劇號難治承平時選帥嘗重於他省非
有文武威望知大體可信畏者莫能任況於闕獠狂奪
殘黎於樞輿之口其事與開創同而又有鳬夷逼伺狡
獷不可測則所謂安內以攘外者宜必有遠謀深識消

患於未萌焉。竊謂圖治以教養爲先。在今日則養先於教。世亂才勝法。若由亂而治。則當以才用法而不爲法所縛。至於內治既脩。外侮自戢。道在蓄威養望。有以大服乎中外之心。久之必喙駝不遑矣。所議亟爲通達。此外駢散文字。率以郭李相比擬。曾公勲業。誠不必少遜前人。然時勢不同。未可例也。

周師孔

英國使臣威妥瑪。曩詣京師。上書同文館。進借法自強之議。閱者憤焉。有義民託名周師孔者。擬書答之。大

意謂中國治貴文明不務險遠與西洋人情風尚百無
一同西洋之政官與商民皆不分官之事商可主持商
之事官可干預中國則不然官而兼商謂之忘廉商而
預官謂之越分故聖賢立教化帝王主政刑而風俗則
轉移於百姓政教之力亦但能去其太甚聽其自然不
可以力爭不可以智取今欲以創鐵路立電標開采五
金山礦等事變易風俗擾衆驚民雖以中國官長行之
猶多扞格何況貴國之代謀乎且貴國遇有大事又何
嘗不以民心爲重官權爲輕如西洋諸小國向歸英屬

中間○民○心○有○異○亦○卽○舍○而○不○問○西○洋○天○主○教○最○先○及○耶○
蘇○教○出○彼○此○爭○長○卒○不○能○奉○天○主○而○盡○黜○耶○蘇○夫○同○此○
一○教○同○此○一○方○猶○不○可○挽○東○就○西○強○人○從○已○何○獨○於○中○
國○而○昧○之○卽○以○理○財○而○言○貴○國○經○費○悉○取○於○商○鴉○片○一○
箱○稅○銀○至○數○十○兩○湖○絲○一○包○亦○然○此○明○明○有○利○於○中○國○
者○尙○不○欲○效○西○洋○之○所○爲○况○於○利○害○未○卜○者○哉○夫○中○國○
民○氣○至○弱○也○而○有○時○亦○至○強○譬○如○江○河○之○水○寬○僅○數○丈○
其○遜○於○大○海○遠○矣○然○而○小○船○重○載○動○至○沈○溺○大○風○激○之○
波○浪○山○湧○亦○足○以○覆○舟○而○有○餘○中○國○之○民○奴○以○柔○道○則○

驅○施○之○仁○政○東○顧○強○以○所○不○願○驅○以○所○不○堪○而○渙○散○而○
不○可○收○拾○且○將○波○憤○伸○怒○於○創○議○始○事○之○人○竊○爲○先○生○
不○取○也○書○中○又○引○秦○始○皇○元○世○祖○諸○所○行○事○以○見○詐○力○
之○不○足○服○人○而○我○朝○仁○德○相○承○民○心○感○浹○此○卽○爲○政○
不○專○恃○強○而○億○萬○年○終○不○能○弱○之○證○忠○義○憤○發○不○惡○而○
嚴○可○與○亡○友○蔣○劍○人○作○並○傳○也○

祭文

某○醫○士○卒○或○祭○以○文○公○醫○公○名○醫○公○疾○公○自○醫○公○薨○
簡○潔○老○當○餘○味○曲○包○至○矣○

徐都堂

徐總憲耀揚州人。微時與友人讀書僧寺中。寺故近水。夏日苦蚊。雖處帷帳中。驅之不盡。而徐獨側身甘寢。寂不聞聲。衆疑其誑。徐袒而示之。良信。他日徐歸。一友移卧其處。曰。吾且試之。果無所擾。心異之。而不得其故。遽然其樂無涯也。及醒。斜月在窗。見一人伏牀側。手執蒲葵扇。揮拂不停。視之。青面獠牙。雙目如炬。友大驚。曰。若爲何人。其人注目久之。曰。我謂是徐都堂。乃一老秀才耶。拂袖而去。

杖屨

有鄉民入市繫馬於茶店之門。而自往城東者。既還馬。猶是也。而酋則加長矣。遂以換馬誣主人。兩相爭鬪。適福又新太守至。問得其故。各執一詞。乃命從者解其繩。以大杖扑馬。聽其所之。馬奔至某寺門外。止而不行。從者叩門。而鄉民之馬繫焉。福問鄉民曰。馬齒相去。值金幾何。曰。十千曰。汝自大意。妄誣主人。罰其半。以爲脩路之費。和尙之方盜馬者答。

賣草

鄉民擔草者遠行患熱解衣塞草中既賣草於李氏而忘取其衣返而索之李曰曩見草不見衣也且草在厨竈間汝往搜尋不得衣不汝貴也方辯論間縣令姚君至聞而逮之先問鄉民次與李氏閒話謂鄉民多才頑意將圖詐言未已李袖烟管墮於地姚笑曰烟管頭牙乎王乎幸而未破因索觀之隨手置座後仍與李說陰晴道豐歉瑣及家常細故頃之而姚之左右已從李氏家取得鄉民衣件呈堂矣李見衣錯愕不寒而慄姚幡然曰吾以汝爲好人乃隱人之物而又陷之者耶答之

十數。曰。烟管已付汝家。

吳夫人

陳勇烈公夫人吳氏。山陽汧河人。遊擊吳禮北黃女也。幼讀女四書。事父母孝。能識大義。勇烈籍潁州。咸豐初。遇賊擄至天長。會提督李世忠渡江擊賊。勇烈勸其族父世銘爲內應。以天長歸。朝。同治二年。苗沛霖反。提督陳公國瑞聞勇烈名。招之麾下。力戰破賊。息兵於清河。陳公故與禮北善。知夫人賢。遂爲勇烈聘焉。婚期前三日。謠言陳公擊賊河南。歿於陣。勇烈方食。遽起具衣。

冠往見禮北曰陳公遇我厚今有堅耗事雖不可知然
義當速往謹請改十吉期即出問策馬星夜北馳千餘
里崎嶇山路間彌望無人烟三日不食饑渴疲頓而陳
公幸無恙相見於河南由是勇烈義聲震天下四年成
擒於吳氏夫人以勇烈治軍嚴請減誅戮勇烈笑曰是
非爾所知不殺何以行令夫人曰省刑非廢法也法當
執情亦當原勇烈然之自是威少霽家居愈謙謹先後
大小數十戰追賊山東數千里而口不言功最後奉爵
相李公以會剿陝賊張仲勳於滑縣之陳灘時各軍未

合前後受敵勇烈。歷戰竟日。身受矛傷。復大呼馳斬悍賊六名。賊發銅礮中腰。而顛。顧謂左右曰。難者埒也。陳甥吾其已矣。遂卒。年二十一。遺命葬山陽。夫人初得凶問。晝夜號泣。水漿不入口者五日。父母勸之曰。吾何敢死。腹中一塊肉。陳氏宗祧所繫。勉起。煖粥。及勇烈柩至。清河世銘聞。爵相奏請。優卹。欲移柩返天長。夫人曰。先夫有言矣。生不樂居天長。死乃強之耶。必欲移柩。更以一棺將我去耳。世銘無言。遽出闕。十日。突以衆至。徑登堂舉柩行。夫人阻之。不得伏柩而號。勇士扶之。顛。

於地及柩出而胎墮。哭而言曰：吾不可復生矣。至是決計求死。預藏毒物服之。灌救移時。竟絕。年僅十有八。是時提督劉公銘傳駐兵清河之楊莊。聞報大怒。立遣兵勇水陸追柩返。並擒世銘及同謀張孝先等。即時正法。而爵相請建雙烈祠。合祀夫人焉。葬之日。氣象昏慘。觀者皆歎息。禮北哀其女。請家兄仲勤爲勇烈作行略。而屬予填詞以傳之。行略所紀。讀榆壽光諸戰績。叱咤如生。因篇長不備錄。

陳東山

陳東山者佚其名。世居金陵蔣山之東。因以自號。性迂拘。不諧於俗。授室後。妻偶失飪。憤然自責。曰。婦工不脩。刑予之愧。遂棄家遠遊。初設教吳趨里。從之者多。統襁習恥教不行。去而之燕。授徒於都城西鄉。鄉俗來學。不具盟。不載贊。第日納青蚨筆海中。讀竟則去。多寡不校。去來無稽。蓋俯哺以日計也。歷二十年。不自知其列門牆者凡幾何人。而積貲頗厚。鄰有某翁。勸營子母。合貨燭於京都正陽門。列肆甫畢。值林清亂。都城戒嚴。徹夜搜捕。燭爲軍士攫盡。及賊平而肆亦閉矣。鄰翁故有力。

願償所失東山曰命也堅不受蕭然一身南旋吳會舊
從遊者遞爲主人並捐資供杖頭需先生固無所用得
輒周急不少吝或傳其元日出賀雪中遇無賴子攫其
冠而奔先生手書蚨數百招之其人款先生老趙趨而
至則傾囊相贈戒勿復爾冠亦不責還也年八十預治
身後事尅期而逝後二十載客有過都門西鄉者居人
猶道先生不置云馬湘艇述

斷碑硯

家兄仲勤以千錢購斷碑硯一方背鐫十六字書法道

勁平列四行。第一行曰吳越勝事。次行曰書來乞詩。再
次日尾書溪藤曰視昔過眼卽售者亦不辨爲何語。他
日讀坡公墨妙亭詩。適與前字相合。心焉疑之。及閱秋
雨盦隨筆。乃知爲黃公石齋之硯。所刻果是蘇詩。曾賓
谷都轉嘗得之廣陵市上。並載右偏有道周篆印。左有
竹垞銘語。均剝蝕不可辨。以黃氏故物。歷今二百餘年。
仍歸吾家。可喜也。

乘槎記

乘槎記爲總理衙門斌椿奉使西洋之筆。計百六十日。

往返十萬里。乘風破浪。洋洋大觀也。顧其所載。多樓臺
園囿。寶玩機巧珍禽異獸之屬。而於疆域險易。兵刑政
教略焉。惟法國都城。載陸兵三十萬。黑衣紅袴。持杖鵠
立。棋布星羅。其巡徇之兵。冠眼鮮明。往來梭織。無間。雖
行人如蟻。而安靜無譁。何其奉公勤職。若斯耶。英吉利
都城人民。倍於法國。而水陸兵不及其半。已敷防守。則
以倫敦地形。四面環海。非若巴黎。期之偏近鄰疆也。英
國官制。有相國。有將軍。大夫。稅司。各棧存茶。至三百萬
箱。錢有金銀銅三等。海關歲收金錢二千六百萬磅。磅

爲三兩三錢卽以金作銀已足抵中國全帑之數而又過之故西洋專重商賈尙技藝能廣取他國之財以自殖火器出於布國西都礮子重至百觔形長首尖敵船包鐵厚六七寸者能通之各國皆購火器於此通局工匠多至二萬餘人而俄羅斯都城繁盛富強兵精器利尤爲各國之冠云此皆他書所不載者擇錄數條覺古人勒銘居胥生擒吐谷真不值一粲也

盾鼻錄

盾鼻錄一帙吳門某氏作也某初以部曹改外官分發

四川會何子貞太史視學蜀中。據某行事劾罷之。而川
督旋亦劾何某。又爲是錄以相污。蠟怨毒之於人甚矣。
錄中自言紀事從實。非見諸奏章邸報者不錄。試問閭
幃之事。鄉曲鄙薄之談。果見於何人奏疏耶。此卽其自
相矛盾者也。

義伶

巧玲者。忘其姓字。曰蕙仙。居京師日。與某公故相善。久
之。某得監司。貧不能治裝。蕙仙與資。且不責券。某強子
之。囊橐既具。未及成行。而某公卒。會弔日。甫辨色。蕙仙

至衆皆愕眙謂其索逋來也。蕙入幃哭拜已探懷出券就燭焚之大勵去。

孝伶

蘇州李春江。隸大雅班。偉軀潤噪技藝冠羣。伶人中傑出者。性靈敏。嘗於肆中購殘缺耕織圖一帙。暇輒臨摹。久而有得。作人物無不入神。又與諸畫家長夕切磋。聲譽日增。歲得潤筆資。倍於戲值。然終不肯棄伶賣畫。曰。伶本業。畫餘技。且班中腳色無多。缺一不辦。我去奈衆人何。弟某性頑劣。不事生計。母偏愛之。李得貲悉數奉。

母弟輒浪用不敢怨弟有所忤亦笑撫之不與校蓋恐傷母意也。洪逆之亂有人見其負母挈弟出胥門去不知所終。

又

鍾鳳齡字鴈秋。蘇州人。少孤。髫年入都。遂墮梨園。而常以思母故。背人涕泣。脫籍後。甫定寓屋。亟丐人盡其母。曾吳下。頻年共焚。人多流亡。屢以書往。不得報。乃奮然爲尋親計。人以墮成業也。咸勸沮之。秋日。吾之不憚。征繕爲將母地。今不得母。耗何戀此賤業爲哉。盡告所有。

不再計而行

天籟

詩以性情天籟爲上。次氣骨。次聲律。徒襲古人面貌者。下也。婦人孺子。偶得一情至語。耐人竟日思。文士性天不真。卽範杜甄陶。徒膺體耳。如北齊斛律金勅勒歌。隋園載樵夫哭母句。皆以不識字人信口道出。彼豈知有十九首三百篇哉。康熙中獻卮魯特俘。上郊勞凱旋之師。輟膳大享土。彈箏笛歌者畢集。有老胡工箏。有騰氣兼能漢語。上賜酒使奏伎。老胡歌曰。雪花如血撲。

戰袍奪取黃河爲馬槽。滅我名王兮虜我使歌。我欲走
兮無橐駝。鳴平北斗之北奈若何。又超勇親王策凌用
兵深得侍衛綽克渾之力。事定賜以千金而親飲之酒。
綽克渾曰。請王侍姬爲奴舞劍。奴爲王歌。歌曰。朔風高。
天馬號。追兵夜至天驕逃。雪山旁黑河道。狹途殺賊如
殺草。安得北斗爲長弓。射落橐駝入酒鐘。音調悲涼如
出一手。蓋其風氣使然與。

絕句

絕句以節短音長。意餘言外爲妙。非如古體排弄轉捩。

可以操縱自如也。河工官吏以水爲生，自黃河北行而
廳營生意盡矣。胡樺楓同守句云：草沒河堤綠滿灘。麥
風吹袖不知寒。垂楊生就風流性，不得春波照影看。懊
惱之詞出以蘊藉，讀之輒喚奈何。金陵克復，餘孽未清，
當事不遑撤防，以昭慎重。彭雪岑侍郎句云：江上新晴
霽色開。綠楊深處見樓臺。老漁未肯拋簑笠，猶恐輕雷
送雨來。老成之見，別具深心，讀之自然首肯。

晚學齋詩詞

家兄叔丹與予生同居長同學，讀書論事同識趣，而性

天○龍○擊○遠○過○於○約○故○兄○弟○尤○爲○相○得○所○著○晚○學○齋○詩○詞○
存○者○甚○少○人○日○和○鮑○菊○溪○五○古○云○空○庭○湯○雲○陰○漸○慙○破○
午○夢○舉○頭○見○日○光○檐○雪○已○消○凍○手○把○幽○人○詩○松○影○一○窗○
供○謾○謾○高○風○生○悠○然○答○吟○諷○風○停○望○斜○暉○前○村○煙○樹○重○
卻○坐○聞○清○鐘○游○心○入○空○洞○南○郭○偶○成○云○浩○歌○溪○樹○間○微○
風○醒○殘○醉○搏○土○擲○披○心○雲○影○盪○空○翠○田○夫○荷○耒○鋤○遙○從○
隴○頭○至○不○解○强○周○旋○淡○語○亦○真○摯○世○情○多○險○巖○到○此○意○
良○慰○徘○徊○不○忍○歸○殘○陽○上○衣○袂○七○古○題○沈○榆○伯○畫○梅○云○
北○風○捲○牖○冰○含○花○空○庭○雪○落○翻○唳○鴉○老○人○潑○墨○凍○烟○活○

胸中積塊紛槎枒。詩情畫意正清絕。我來深巷無喧譁。
入門把玩識真性。下視百卉皆塵沙。太素爲胎發古艷。
位置那獨宜。山家撐寒特立氣。運轉造物亦爲生。嗟呀。
悠悠俗眼不相入。有材何必相矜誇。小橋流水月東上。
嗚咽又聽城頭笳。送李梅江五律云。天風盪秋色。斜月。
轉庭陰。樹古見奇骨。花幽盟素心。羣生慚潦草。峭士各。
山林。把酒知何日。相期共解襟。七絕江口云。天風吹起。
月華流。飛送輕帆作壯遊。萬頃琉璃一壺酒。鐵簫吹破。
海門秋。寄懷宰平弟云。垂柳飄蕭月不明。遙天征鴈有。

離聲今宵莫聽。瀟瀟雨。認取吳山。夢裏程。詞稿生查子。
云。鄰。送。聲。聲。起。吹。入。離。人。耳。昨。夜。夢。長。安。長。安。秋。正。寒。
低。徊。分。袂。去。重。見。都。無。據。何。處。馬。蹏。忙。三。更。城。上。霜。
清。平。樂。云。畫。樓。初。曉。重。檢。雙。魚。報。說。是。愁。懷。真。箇。少。怎。
又。腰。圍。瘦。了。亂。峰。高。與。雲。齊。天。涯。何。處。遶。西。昨。夜。疏。
簾。淡。月。薄。寒。新。中。羅。衣。滿。庭。芳。和。宋。契。蓮。餞。春。云。暗。雨。
曉。香。驚。曉。咽。曉。鐘。聲。四。處。敲。殘。今。番。况。味。真。欲。涕。洟。瀾。
回。首。樓。臺。煙。景。怕。傷。心。莫。憶。江。南。知。多。少。離。腸。淒。斷。鵲。
血。灑。空。山。金。尊。濃。注。酒。漫。天。飛。絮。何。處。鄉。關。見。東。君。

說與別樣闌珊記取重逢時候要朱幡護滿花欄休惆
悵芳華易老寂寂帶輕寒臺城路春柳挽大兄云溪流
隔斷芳原路門前數株誰主冉冉樓臺沈沈夕照怎認
遙天低處狂風驟舞又捲盡江南濃青萬縷觸眼迷離
惹人別淚灑成雨柔條猶憶初吐綠窗花弄影莫關
眉燃腕地絲垂重尋生翠盡是關河塵土幾番飛絮直
斷送春魂東皇難訴對此餘陰飄蕭情太苦青山遠寄
辛平弟云昏櫺攬上蕭疏雨拋書重翦殘燭珊珊繁瀝
又三更睡也難成熟風過處細敲窗竹小爐低幌煙還

簇想夜火松陵樓倦旅不成也是者般幽獨拚把輕
碧釀香今宵斟徧來宵依舊展觸芳華初占小園春記
倚闌干曲怕幾度鶯飛燕蹴垂楊不是當時綠要想到
秋來後開到芙蓉可留餘馥宰平天河字也兄性孝友
少嘗到舅療親事載世德錄

金壺逸墨卷二目錄

鉢池 黃鈞宰 天河

洞元鏡

珠帳

心血

女主

輪船

火車

賽舟

煤汽

水龍會

長人

金箔作

瓜子

聖教

賽珍會

放魚

景觀察

補圖

楊廣文

異物

大理

世德錄

金壺逸墨卷二

鉢池 黃鈞宰 天河

洞元鏡

西域有化生鏡。以一物照之。立成千百。又有洞元鏡。雖金石之類。悉能深徹其中。有王姓走無常者。私念地獄變相。種種不測。何不攜此。窮其情狀。越日赴冥。召行過曠野。見有石坊巍然。大書陰陽界三字。一少年情思迷離。若前若卻。坊內立美女一。亦復含悲忍涕。進退踟躕。王念懷中有二鏡。急取其一。照見坊背。亦有大書三字。

日禮義防視少年心中。宛然現女子狀。如目之瞳。情態畢肖。女子心有少年亦然。復出化生鏡。則千百癡男怨女。如泣如訴。坊之下空。無所有而兩不敢前。王醒而喟然語天河曰。聖賢制禮明義。界別陰陽。雖爲並世之人。若有幽明之隔。然則人世傷心之境。固不獨彌留永訣時也。西人謂歐洲諸國。男女不避嫌疑。親屬相逢。則握手接吻。以爲禮。並坐並立。以示親。耦俱無猜。習爲自然。故轉不聞有苟且之事。感澤曰。是或一說也。然不如禮義禁制之正大光明矣。

珠帳

署某營都司方君。總兵而加銜提督者也。少陷於賊。投誠後。從征江陰。匪寇而得婚媾。詢女家世。故士人子也。美靜而能。頗有大家風範。方甚重之。誓將老於斯。於是鄉矣。後以積功。故職位漸峻。或言女之歸也不正。無以承誥命而肅家人。乃別聘金陵某氏爲妻。而降女爲側室。女卽以妾庶事其嫡。無愠色。無怨詞。而大婦卒不能容。誚讓谿刻。女惟背人飲泣。自歎寔命不猶耳。未幾。方病卒。女父明經先生至。欲挈之歸。而大婦兄弟輩不可。偕往。

金陵後况不可知矣。方在賊中。嘗見僞忠王出其所擄金玉寶玩。別爲五等。最上者獻洪逆。次者自取。餘以分賞諸酋。有飾冠大珠如龍眼。夜置暗室中。光射五尺許。又選一分以上者十數盤。以銀絲聯爲帷帳。獻諸秀泉。謂暑日寢其中。自然清涼爽健也。甲子。予至白門。見有兵勇持碧玉如意而售於市者。問其價。昂然曰。百金。彼固不知百金之未爲多也。

心血

浙東女子某氏。父賈蘇州。僑寓於南濠。女所居樓故臨

河有楚州生者。因事赴蘇。泊舟樓下者十八日。一日晨起。女自褰簾傾盆水。猝然見生。不自覺其盆之失於手也。自是掩簾憑窗。作書刺繡。默默然。朝暮相對。然意態閒靜。絕不如世俗目成眉語者所爲。生之友蔣君者。距女家不過數武。乘間語生曰。名節事大。勿妄想也。遂移泊於舊門。庚申之亂。南濠市廛化爲焦土。女及母妹焚焉。貧民多於瓦礫河渠中。淘取器物。藉爲度日計。或檢一物大如拳。下圓上銳。非木非石。中輒而外堅。反復視之不識也。適有軍士二人至。曰。我爲辨認。舉刀剖之。割

然兩半而文理分明。諦視之。垂柳數株。中有小樓。樓下繫一舟。一少年伏窗而眺。眉目如繪。衆皆詫異。再剖之。片片皆然。會蔣君過其地。索而觀之。絕似楚州生狀。栩栩若生。呼之欲出。乃攜其一片歸而玩之。久之恍然曰。吾得之矣。此必某氏女子心也。乃秘其事。緘以小盒。而密寄於生。生得書。悲感不已。焚香奉盃。拜而啓之。則祇存一汪碧血而已。

女主

世傳英吉利嚮爲女主。非也。當今日而其主適女焉爾。

人華拾得云。吾國自諾曼的朝。至今八百餘年。統系不絕。其語亦夸。蓋英例傳國之序。或世或及。傳世傳子。無子傳女。傳及傳弟。無弟傳女。兄。弟。子。猶。子。女。亦。猶。子。女。之。子。孫。女。女。亦。孫。如。是。展。轉。相。承。故。曰。不。絕。貴。則。傳。女。者。各。爲。一。朝。諾。曼。的。至。今。已。易。五。朝。其。曰。一。千。八。百。餘。年。者。則。自。漢。神。爵。五。鳳。間。立。國。之。始。計。之。離。爲。七。合。爲。一。歷。千。數。十。年。而。始。及。諾。曼。的。也。

輪船

軍興以後。東南各大吏。皆製輪船。爲辦公運餉之用。顯

見於奏疏。其初探水操盤。運機轉舵。猶以重貲僱用西人。近設輪船招商局。西國領事官及諸洋商皆來賀告。成之後。中人自能駕行。洋商嘗曰。中國得天地清淑之氣。其人最靈。但能刻苦用心。其精巧猶在西人上也。輪船海行。以淡水爲要。開船時。以火灼水。藉水氣以運船。卽用氣化之水以供用。船之上下四旁。皆以銅管承接。貫注數百人飲食洗濯。竟無缺乏之憂。每日燒煤多至十萬觔。冬有鐵爐。暑有風扇。每座以一人搖而轉之。滿室中習習風生也。

火車

天津洋人初置火車。先於租界內土路試行。又以載貨車一輛。繫屬其後。令中外五十人。坐於火車內。位分三等。英領事與中國官員居上等。從人坐其下。車外四圍。則雜客居之。試行一周。便捷而精美。蓋西洋大火車。馳騁鐵路。能繫屬十數輛也。中人割觀。莫不稱美。錫其名爲利用云。

賽舟

每歲九月間。西人爲賽駛小舟之會。舟式以八人打槳。

者爲最大五采備具出沒於洪濤白浪之間第見旌旆
飛揚戈矛閃爍最足以駭悅心神此蘇各蘭人所駕駛
也亦有小舟用一二人者則英美法國居多馳鬪如飛
捷於鳬鷺得勝者踴躍奔騰波譎雲詭以快其奪標之
興西婦顧而樂之輒厚賞以獎其能此又於賽馬之外
別開生面者

煤汽

洋燈必用洋油其性最烈見火卽燃故又名火油滬市
頗有遊烈傷人者又虹口某行嚮用自來火一夕管破

已息。行中人俱入黑甜矣。未幾而煤汽大至。不能復燃。滿室氤氲。凝聚不散。及明。卧者皆中煤毒。昏暈莫能起。故西洋諸物。雖甚巧。亦甚險也。

水龍會

十月廿九日。西人舉行水龍會。遍城士女。結隊聚觀。街巷爲之填塞。計中外水龍若干具。式樣互異。機巧玲瓏。最大者曰滅火龍車。中有機械。能自以鴨夷注水。鼓動噴薄。別用綵繒紮一龍。安置車上。鱗鬣咸備。中列銀燭。旁懸五色琉璃。燦爛光明。蜿蜒如生。樂工擊鼓吹笙。一

引前一殿後巡捕執鞭持槌以衛之。凡號衣各從其隊。火毬火把光燄各殊。又有高柄籠燈。擁擠繁密。每一隊不下千數百人。照耀浦濱如白晝。行及馬路。煙火間作。半空中忽現五采輪光。既而碧者黃者藍者互相起落。如繁星如新月。如流電萬衆喧譁。應接不暇。洋人又於工部局鐘樓上。時發火標。直射牛斗。忽爆作滿月狀。光華四射。金紫環生。不啻身入廣寒。非復人間世矣。俄而一輪轟裂。則流星萬點。飛墜虛空。又不啻天女散花。繽紛亂墜也。至是神搖目眩。莫不駭爲大觀。然失乎水龍。

克火之義矣

長人

前數年江湖賣戲者攜四小人至淮短僅二尺餘指其老者爲祖母最少者爲孫中一代爲夫婦語吱吱不可辨浣濯縫紉如常人自攜乾糧粒細如黍飼以米飯不適也近有長人詹五者籍徽州魁梧雄偉倍異尋常有巴社商人攜之西洋轍跡所經累增聲價每日已起戍止欲見者各取半元異矣

金箔作

蘇州金箔作人少而利厚收徒祇許一人蓋規例如此不欲廣其傳也有董司者違眾獨收二徒同行聞之使去其一不聽眾忿甚約期召董議事於公所董既至則同行先集者百數十人矣首事四人令於眾曰董司敗壞行規宜寸磔以釋眾怒即將董裸而縛諸柱命眾人各齧其肉必盡乃已四人者率眾向前頃刻周徧自頂至足血肉模糊與潰腐朽爛者無異而呼號猶未絕也比邑侯至破門而入則百數十人木立如塑乃盡數就擒擬以爲首之四人抵焉

瓜子

上海繁盛不獨腹裏郡縣所無卽通商各口亦鮮及者。頃有釐局友人以煙館燈油計之一日需用十五隻每隻三百六十觔每歲需用蠟燭至五六千石而洋燭自來火不計焉。然此猶焚膏繼晷勢所不可少也。計滬城內外茶樓酒市妓館煙燈日消西瓜子約在三十石內外豈復意料可及耶。然則一日中茶酒煙妓戲園馬車並躉販之鴉片洋行所售之光怪陸離直不可以萬萬計實則一無所用者也。

聖教

感澤嘗言聖人之教。王道也。卽天道也。無新奇。無矜尙。而漸推漸暨。人人自深。如嶺海初奉昌黎。滇南初奉武侯。西域初奉佛氏。未幾而文明廣被。如日月經天矣。今日耶蘇天主教之來。卽我教將往之機也。是說也。予謹識之。近數年西洋學人。頗有尊崇至聖。日讀孟子。繙譯五經。贊回本國者。或且鑄銀爲牌。懸之項間。大書服孔子教四字。感澤之言。其將驗乎。

賽珍會

奧地利國將舉賽珍會。集四大洲之珍異而賽之。不祇如石崇王愷。寒儉羞人也。日本王附和其事。首遣輪船載寶以往。不獨珊瑚火齊赤玉紫金。鏤錯紛陳。光華四射。凡象爐龍鼎犀鏡。鮫綃枕。可游仙珠。能卻病者。莫不香熏錦護。什襲而行。並命工匠五十人。徧歷歐洲學其技藝。昔西洋人最畏日本。道途相遇。辟立甚恭。近來日本主忽改制度。易服色。變文字。百事悉仿西洋。或亦天道循環乎。

放魚

辛未春月觀家人放魚城外得所之樂親目覩之益歎
圍圉洋洋爲校人寫生之筆第恐左右窺伺操繒設網
以待者皆校人類耳世俗戒殺之說儒者笑之然如東
坡山谷之在宋袁了凡之在明紀曉嵐施愚山之在我
朝不可謂非傑出士要皆以不食特殺爲酌中之道
不必持齋茹素而特以培養生氣勸人若以一鬻之甘
遽戕一命一羹之故遽戕數十百命對衆生慘怖之狀
返諸自家貪生畏死之心安乎不安乎某先達厚於倫
理雅好放生每日我非有所祈禳而爲之特喜其由困

得舒機。神恬暢。游行自在。物我同春。此有生第一樂也。願與善求真樂者共之。

景觀察

六月余子琳自江西來。談及九江道景觀察。瞻識最優。上年西洋人更換和約。欲仿中國船式。出入內河。由京師總理衙門行令各關督酌量情勢。觀察議云。夷人通商之後。已占五口。近又由長江直抵楚漢。中國船戶水手窮之居多。衣食之資已極微末。所恃者內河貿易。聊以謀生。若再聽洋人仿造小船。通行港汊。則聚此數十

金盞遙望
萬無衣無食之窮民。不獨中國之憂。抑亦洋人之禍也。
又議開礦減稅。均格不行。沈中丞許以爲國爲民。而
無愧色。

補圖

王中重九林君頌夔招諸同人持螯劇飲。金陵馬湘艇
丈爲寫霜天清譙圖。各題金縷曲以識鴻爪。予以後至
補入圖中。作扶筇度橋狀。一奚童囊琴以從者。是也。奉
和原作云。近海無奇味。值良朋。霜天清譙。高歌爛醉。自
笑饒涎揩未了。攜得奚童尋至。早動了幾回食指。爲倚

寫生清妙手。向圖中添箇支離子。鑒賓客憤如此。生
平懷抱春如綺。十年來消磨挫折。頽然秋氣。公等青雲
騰達去。留此鴻泥小記。預想到後人藏皮。誰最牢騷誰
曠達。更誰人莊語。誰遊戲。塵世夢一而已。

楊廣文

楊竹軒廣文揚州人。少貧。嗣父貽產百餘畝。臨卒戒之
曰。汝但力學博一領青衫。是區區者。勤而守之。將來養
汝不肥。亦餓汝不瘠也。竹軒泣而志之。是時竹軒本生
父境况虧累。適負不下千金。將棄是產以償之。竹軒私

念違父之命不可爲人子。從父之命。又無以對。親。轉焦思。卒無兩全法。不得已。商之買戶。請作活契。期以十年回贖。蓋往返數四。而後成。未幾。本生父歿。家益窘。乃挈幼弟。授徒於富室。堅忍艱苦。歲得束脩廩膳之類。學居積法。買賤賣貴。士與賈一身兼之。及期。蓄貲得前數。而買戶變計。不許由。是晝夜焦灼。諸以田請售者。皆不受。謂非是。無以慰嗣父心也。歷數年。大水歲荒。乘買戶之急。始獲歸璧。而心力悴矣。又十餘年。竹軒境益裕。增置田產。數倍於前人。自古創業者。親歷艱難。其繁懋。

磨苦今一名一物躬自經營莫非以心血換易而得之
而竹軒亦無子年且六十慨然語其友天河生曰人生
相與聯屬者曰恩曰義曰情三者皆備莫重於父母而
次卽子孫吾昔有弟之子其與我也交相愛交相愛則
三者至矣不幸而又歿將來嗣我後者其能如我之承
我先乎天河生曰竹軒近爲南滙校官其前任陳君桂
伯者有孫而無子遊幕於外無以爲家而桂伯一棺浮
厝南邑雨林日炙者數年竹軒函招陳孫至贈以資斧
祭告桂伯墓買舟而返其棺甚盛舉也棄產一節爲家

庭最難處之事。而委曲求全。恩義兼盡。若此。可不謂難哉。雖然。語今人以孰爲恩。孰爲義。孰爲情。茫然者多矣。吾懼夫茫然者其更多矣。

異物

上海僅一隅地。而南北異物。遠莫能致者。皆備。癸酉三月。赴滬。見麋鹿。金錢豹。白鸚鵡。鶴鴛鴦。孔雀。數種。後一月。廣東荔支上市。雖已三四日。而紅羅玉液。色香味。猶冠他果。再後。則北地蒲萄。南中橙橘。無不鮮潤如新。予詠荔支句云。自有雙輪來碧海。不煩一騎走紅塵。其便

連可喜也。此外草木魚鳥及外洋果品奇形詭狀者尙多。卽詢得其名亦難以中國文字紀也。

大理

戊辰山東捻寇殲。辛未陝甘回匪靖。癸酉雲南大理平。或蹙之海濱。長圍以困之。或擠之邊外。痛剿以威之。而大理介在西陲。歷年更久。岑中丞率提督楊玉科等次第規取。克奏膚功。寰海其從此鏡清乎。先是賊首杜文秀者。初由廩生捐職訓導。本無叛志。咸豐初。澠江回民小有蠢動。某制軍聽信游擊施應貴言。盡殺省城良回。

以防內應。於是附郭游匪託名復讎。擁文秀別樹一幟。占據大理府城。自擬南越趙陀。畫守滇西八郡。練兵養士。招集流亡。幾成竊踞之勢。大理爲迤西總會。有蒼山洱海之雄。通緬甸木邦之利。蓋負固不服者十有八年。至是窮蹙將自盡。經賊黨縛獻正法。滇右始平。溯其兆亂之初。祇因一二長吏輕聽妄殺。貽害遂至於今。昔林文忠公之撫滇也。祇分良莠。不分漢回。而回民悅服。苗疆亦然。後之撫斯土者。其知所從事哉。

世德錄

揚州符南樵孝廉與予兄弟交最久。故知其家世特詳。爲作黃氏世德錄。將徵當代詩文以光譜牒。未及刊行。而南樵卒。錄其略云。黃氏之先爲皖南著姓。聚族於黃山。當明中葉。分支遷蘇州。再徙淮陰。累世讀書。科名相望。七傳而至荆玉公。爲明季諸生。嘗如廁。見遺橐有金數百兩。待其人至。檢還之。乃鬻產以救父者。願奉金若干爲謝。固卻去。晚歲騎驢出近郊。驢伏地不肯起。有老人指而言曰。葬師謂此地頗吉。燃燈置塊上。雖大風不滅。試之良信。主人以缺貲故。願售於公。公曰。吾聞吉凶。

在心不在地。強而後受之。卽今荆玉公墓也。又兩傳而
至循度公。是爲叔丹。昆仲高祖父。循度公生四子。兩舉
孝廉。而仲子運符公。諱泰交。以名進士。不仕家居。性澹
定。有特識。所居樓曰倚月月夕花晨。命僮嘯侶。尊酒言
笑於其上。嘗著四先論。以自儆。其一曰立身以清白爲
先。清之道在於澄。白之道在於著。澄在於所止。有定著
在於嚴。絕其不潔之物。而不使蒙於身。嗚乎精矣。惟公
實足以副之。公之季子守愚公。諱廷楹。醇篤尙風義。與
兄翹。聞孝廉。受敬交至。乾隆中赴試金陵。同用牛惠蒼

書。其。衆。畏。傳。染。皆。避。去。公。曰。始。約。而。中。棄。之。不。義。病。而。失。養。必。死。不。仁。失。義。與。仁。何。以。友。爲。獨。視。湯。藥。調。飲。食。早。暮。不。離。卒。亦。不。染。市。至。家。而。同。舟。生。卒。公。坐。廳。事。假。寐。望。見。某。生。衣。冠。至。徑。入。後。堂。而。家。人。報。公。次。子。少。霞。公。生。少。霞。公。生。而。至。孝。居。守。愚。公。喪。支。離。骨。立。性。嚴。厲。或。遇。盛。怒。一。聞。母。聲。則。溫。霽。而。進。旣。以。親。老。棄。官。歸。母。病。畏。擾。則。解。屨。戶。外。膝。行。至。榻。前。問。安。視。膳。衣。不。解。帶。者。數。十。日。而。公。弟。斗。南。先。生。諱。以。斐。天。河。尊。人。也。性。亦。孝。友。爲。母。氏。所。鍾。愛。家。人。不。得。於。母。必。宛。曲。解。釋。而。後。

安伯嫂早寡。先生尤敬事之。雖受責讓弗校也。嘗以正語規鄉人某。不聽。先生言愈切直。某由是不理於口。銜先生甚深。友人某將有遠行。而資斧不足。典衣質鉏。以應之。絕口不一言。方是時。守愚公配陳太宜人。八十在堂。少霞公昆仲。上事壽母。下率子姓讀書。皆成名諸生。丙外數十人。矩法秩然。爲時宗仰。自太宜人卒。公與斗南先生哀毀。思慕三年之中。先後繼沒。子姪俱慷慨尙意氣。輕財物。不善治生。人產於是。黃氏漸偃蹇。替於前人矣。斗南先生生三子。長曰振淮。字月清。個儻有大志。

中年落拓遇賊不屈。殉難於揚州。事見遜噩車月清從弟叔刃名振。擢少霞公第三子也。母病。剖左臂肉而啖。漓以右手滌淨私烹以進。創大如掌。雖盛暑不去。褻衣或有問者曰。少患癰疽耳。父母卒。歲時掃墓。遠望輒號泣。不自勝。晚好宋儒書。研求精奧。與兄仲勤弟叔遠以古義相切磋。而待其從弟天河尤極友愛云。噫。黃氏昆仲。韜光隱曜。雖不振然。觀其凜承先德。鄙夷塵俗。視夫世之趨時榮而薄內行者。蓋亦異矣。抑吾聞天河從堂弟小洲家故貧。甫冠。食廩餼。授徒奉母。瞻養啞弟。年幾

三十不能娶。後以哭母故嘔血而亡。漕帥學使聞之。皆
爲歎息。何黃氏善士之多也。抑自荆王公以來。風義孝
友。代有聞人。卽異地隔時聞者。且猶興起。况同在宗族
之間哉。江都通家子符
葆森頓首填諱

金壺戲墨目錄

鉢池山農

蠨卦

食鼈

富貴

新臺

弔喪

改唐詩

牝牡

金瓶梅
卷之五
稟辭

小東方朔

金山縣

懺鼠

寫真

面具

矮射

算賞

巧對

天青緞

炊飯太守

長毛

讓妻

游戲詩

六郎

三元宮

孫生

尾號

老爺

楚漢

贈聯

蝴蝶會

木蛋

教官曲

未入

撞車

琵琶

遺嫁

袁癡

鼻壺

金壺戲墨

鉢池山農

蠲卦

蠲味之美人所同嗜。獨金華陸少葵嗜之尤甚。且食日贊而先生玉山頽矣。同人或笑之。少葵曰。吾之嗜蠲。猶未也。不及吾師。吾師食已不盥手。則納諸袖中。曰。留此餘香。以待余窩鼻玩也。子嘗戲作蠲卦。曰。蠲元亨利用。剝黃中通理。至於九月。有凶。彖曰。蠲解也。元亨利用。光也。利用剝其色黃也。中通而理。內柔而外剛也。至於九

月有凶命不長也。象曰：得虫以解蟻。君子以橫行天下。
初九：斷竹，干河，利用火。先甲後甲，朋來吉。象曰：斷竹，朋
來，火一星也。六二：入于鑊，其行郭索。象曰：其行郭索，聲
不可聽也。九三：飲酒濡手，東鄰取雄，西鄰得雌。凶。象曰：
取雄得雌，人各有心也。九四：解其蟄，利用小斧。象曰：利
用小斧，去甲兵也。六五：解其腹，大美在中。元黃大吉。象
曰：在中之美，易重一觴也。上九：斷股折足，食我童僕。貞
吝。象曰：斷股之吝，其味腥也。

食龍

某制府與河帥某公同年。又同官江南。甚相得。一日。閱
工至浦上。河帥觴之。食次進鼈。蓋取其小者烹調盡美。
制府以爲佳。河帥曰。此亦江南一品。制府曰。不及江魚。
祇可第二。然殺之可惜。是物頗知水性也。彼此相諶而
吐屬渾然故妙。

富貴

富室女嫁至夫家。初見竈突。問老嫗曰。屋上高起高許。
縷縷出煙者何也。嫗曰。此肴饌所自熟也。女曰。置之煙
火中。不慮熏灼氣耶。聞者皆笑。又某太守滿洲世族。生

而貴盛會府試發榜遲緩吏白童生中寒士居多資斧艱難請幕中閱文從速太守曰何不傳語諸童遣輿夫庖人先歸。

新臺

河督某公閱工至王營諸廳咸侍有婦人訴稱夫爲千總性好爬灰虐待妻子等語傍舟大呼巡捕官呵斥而去某公不解所謂詢諸廳官皆以其事甚褻難於措詞丙有指班一人遽言翁媳二字意將疏解其故獨裏河同知于君曰此無他卽新臺故事耳某公恍然歸語幕

友曰居官當用讀書人誠然若質實言之殊不雅馴矣
後以他事黜干總

弔喪

往者某中丞之喪同時夫人太夫人皆病適有州縣四
人方賭葉子戲門者誤報撫憲夫人故矣四人者遽擲
葉子曰卽往弔趣呼輿夫甚急已而他僕自外歸曰故
者太夫人非夫人也四人者卽命幹僕往探徐將葉子
理清曰竟此一局往弔不爲遲探者返曰太夫人危而
復安夫人以哭撫憲故暈絕者再實則撫憲自亡耳四

人曰賭耳。誰有閒暇弔喪者。弔喪不如多贏金錢作買酒資也。

改唐詩

客有懼內者。內怒輒提耳使屈膝焉。或改唐詩嘲之曰。雲淡風輕近晚天。傍花隨柳跪牀前。時人不識予心苦。將謂偷閒學拜年。許會卿姊丈訪友書塾。不遇題其案上云。書塾問童子。言師喫茶去。只在此城中。雲遊不知處。又吳李二人同行。見一大腳婢履聲橐橐而來。吳改春眠不覺曉句云。春梅腳不小。處處聞他跑。李謂下二

句何以易之。吳凝思久之。日夜來雲雨聲。落知多少。則巧而傷雅矣。

牝牡

鶴以跡生。魚以思逐。鼈望而有驚。視而胎。蝦蟆抱蟬。鴻鴈履影。鸛鵲口孕。鵲目成。牝牡不淫。而神氣相感也。某邑訟簡刑清。告期祇收十數詞。而姦拐搶騙居大半。感澤笑曰。利用之物有三。而三者皆足致禍。其原實出於一途。如百貨流通於錢。錢牝象也。舉世溺於孔。萬事紀載以筆。筆牝象也。舉世畏其鋒。而牝牡之類。墜爭訟。

者無論已。誠使天地生人。創牡填牝。亦如魚鷄者物之氣感神交焉。則息事消禍也多矣。

稟辭

軍興以後。直省候補人多。缺少事稀。貧苦不堪言狀。一日有縣丞某求見方伯。稟辭號吏曰。非期也不爲通報。某曰。我有公事。不見則今日死於是矣。號吏大驚。白諸聞者而見之。方伯曰。君有何事。稟辭將何往。某曰。將往陰司。方伯亦詫曰。何至於此。曰。某自到省伺候大憲者十數年矣。無缺無差。父母凍餒。兒女號號。除死更無善。

策又慮身死而大憲終不見知也。敢辭。方伯曰：勿爾。吾且贈君二十金，暫爲餬口，以待差事。越三日，委以優差而去。

小東方朔

近有方姓字小東者，二人一官山東知府，一以縣令需次於蘇州。馬丈湘艇與小東太守故相識，而不知有縣令之小東也。他日客有語及小東者，馬喜曰：小東來乎？客曰：然。今寓某處。君識之乎？馬曰：舊交也。別數年矣。遂與同往，而一見茫然。客指而語之曰：此小東也。君乃不

相識乎焉。唯唯私訝數年之別。卽面目改易。不致懸絕。若此久之。主人乃笑曰。東方朔祇有一人。小東方恰有兩箇。或者先生所識。彼一小東耳。始各恍然。同時又有方姓名世忠者。字少韓。其作書題款。第云少韓世忠。可與小東方朔作對也。因憶國初于清端公名戍龍。同時有同姓同名同官一省者。且官階同至節鉞。同以清直著。清端總督兩江時。戍龍方牧通州。公知其能。特疏保薦。可知當時不避長官名字。若在今日。避之恐不速矣。卽此亦見清端之賢也。

金山縣

漢萊周韻山先生初攝銅山篆與天河夜遇於途燈火半滅輿夫摩肩而過各破其帷彼此負氣不相下周問何人予亦曰若是何人左右曰銅山縣予應之曰我乃金山縣周猝然不悟其以金勝銅之戲匆匆慰藉而別他日子客贛榆周遷海州牧每見詩詞深加賞異並屬按期作文諄諄以砥礪科名相勗談次偶及前事周大笑曰是乃罵成相識也

戲鼠

方君小雲客予齋。大爲鼠擾。舉火熏穴。汲水以權之。設
伏禽渠。鼠蹤乃絕。小雲作懺。鼠文云。殺鼠殺鼠。汝罪難
數。三日懺汝。惠我肯顧。遺汝一刀。送汝西土。西土西土。
爰得汝所。予謂回教之殺雞鶩也。每食必祝曰。非我也。
夫夫爲之也。夫旣嗜食而殺矣。而又祝之與小雲之懺。
將毋同。

寫真

邇上某君善寫真。振振有名。予偶作行看子。披袈裟。趺
坐蒲團上。質諸親朋。無以爲肖者。因戲書云。謂其似我。

耶我面不如是之長。謂其不似我耶。而畫者甚狂。惟改面以就象兮。庶兩盡而無傷面兮。面兮心不可見兮。汝不妨於變兮。

面具

友人洪某短小精幹。善於周旋。廣衆之間。因人收色。里人謂其滿腰假面具。每見一人。隨取一具帶之。雖一日之內。一室之間。所遇貴賤貧富。或至數十人。而洪君面具時時不同也。

矮射

或云矮射二字。古人必互錯。矮有委矢之義。當解如射。射有寸身之象。當解如矮。

算實

西人懸五百金之賞。以算法試人。其法以法馬十九件。合成五十二萬四千二百八十七之數。任人錯舉一數。彼如其數。取法馬應之。自一二十百以至五十二萬有奇。無一不備。而不出十九法馬之中。時往來門外者。低目垂首。心口自計。人人思得五百金。而不得其故。有皖南王君者。徑詣西人所。趣令付金。曰。祇值一字而已。西

人問何字。王於手心書一倍字示之。西人默然付金而去。

巧對

殿試三甲者。賜同進士出身。某太史以三甲庶常散館授檢討。最惡人稱此六字。一日有同年某新納姬人。太史往賀。某適他往。姬人方洗足。太史出過某於途。笑謂之曰。今日有一佳語能屬對乎。某叩其辭。則曰。看如夫人洗腳。某卽應聲曰。賜同進士出身。太史默然而別。楊稚虹曰。人不可有所忌。我忌之人偏觸之。此對之巧。

抑太史自取譏耳。

天青緞

段廉訪初官浙中知縣。累擢至按察使。勤於爲治。深得民心。陳臬時微行酒樓茶肆間。緝訪奸宄。遠近稱神。民赴州縣訟者。或累數十日不得一決。廉訪得狀。卽鞠問。判訖釋去。案無留牘。百姓感之。稱曰段青天。及杭州初陷。倉猝出城。將軍留之。不可。曰。同困城中。無益。不如出而圖之。猶可爲恢復計也。百姓不知其意。遽改其稱爲天青緞。以諱之。

女曰是不難。東家宿西家餐耳。是卽甲婦之訣也。得此訣而天下無難事矣。

游戲詩

東台錢君冠林邑諸生。好作游戲詩。老而彌趣。時有城守營千總新加守備銜。揚揚得意。語錢云。君敏於詩。我以西廂注非法。出精句爲題。能口占一章乎。錢曰。詩不足言。幸勿見怪。千總詰之。錢卽云。旅館蕭蕭客思單。布衾不耐五更寒。可憐十指承消乏。手掌風流手背閒。又有陰陽學乘輿候客。適至福堂和仙處。與錢相遇。錢目

之云補祿天青拜福堂居然也要學官場問他品級居何等一半陰來一半陽

六郎

東邑有秀才行六者出入官場驕其鄉黨錢刺以詩云走過官場已二回六郎滿面笑容堆才叨縣令生辰酒又舉分司上匾杯衣服假來長短窄語言拖出矣焉哉年家帖子須珍重多少黃緣博得來又六郎鄉人某家故貧衣食不給及得庫書後多金而豪遽忘故態錢刺以詩云雪大風狂凍又堅布袍一領並無棉自從接管

田房稅灰鼠裘披八月天。

三元宮

東邑三里橋。爲妓船聚泊之所。臨河有僧寺曰三元宮。僧某年少善歌。工絲竹。好着紅袖襖。時與諸妓往來。邑士惡之。稟請驅逐。時有名妓朱有才者。與縣官有故。僧乃免。朱說項。竟將差票弔銷。錢詩所謂諸公何必遞公呈。議論三年總不成也。又云喜穿衲襖惡袈裟。紅袖臨風艷似花。不誦法華歌小曲。禪牀趺坐撥琵琶。不怕沈淪欲海波。庵門排列妓船多。僧家此福難消受。姊妹同

聲喚阿哥友人楊竹軒云錢作此詩大書張之庵門僧
不待驅逐而逃矣

孫生

軍興以後州縣重用董事地愈僻則董事愈大或巡
而自鳴宦族或生監而居然世家其所見者小也聞中
同舍孫生以父兄董治公事得與邑令往來氣高而言
大夢中屬聽可憫可嗤忽得罪於亳州先生努目一叱
老拳將施同人力爲排解乃止嗚乎一勺之水注之壑
涔之中滿而四溢遂以爲地不能容豈不令后土坤輿

埋冤無既哉。

尾號

閤中尾號臭穢難堪。雖詛咒罵詈而遺溺者不顧也。獨某君書紙粘壁上。凡褰掌提袴。迫欲遺溺而往者。一見此紙。莫不避往廁中。衆皆異之。不知其所書何語。所書何符。而人人遵照如是也。好事者試往窺之。則大書云。有人於此大便者。我必於其大便之處。而小便之。有人於此小便者。我必於其室中小便之處。而亦小便之。無不狂笑而去。

老爺

林君頌夔言其鄉人初捐監生元旦出謁鄰里歸妻問何往曰候故舊耳妻曰渠等小百姓拜他何爲又一人援例得職銜章服而出回顧其僕曰此後勿稱某相須稱我爲老爺僕不聽某正色曰我不與汝戲言汝不稱自家罪過

楚漢

頌夔又言某富室請兩西席一老一少異塾而同餐供膳中遇有燉蛋老者必舉箸分半割之曰楚河漢界示

不得侵越也。少年既食其半。又從碗底挖入。十去七八。老者覺之。致相口角。少年曰。君自言楚河漢界。難道象棋盤上不許卒子渡河耶。

贈聯

贈妓聯語多。以名字屬對。須自然生動爲佳。相傳周明府沐潤有贈如意一聯云。都道我不如歸去。試問卿於意云何。長洲陶芭孫茂才贈十全云。十分窮窶花應妬。全是聰明月不知。又秀卿云。出來秀骨皆仙骨。或者卿心似我心。又某贈富金云。我富文章卿富艷。兼金聲價

斷金情均極秀倩。

蝴蝶會

友人小聚。各出酒一壺。肴一碟。謂之蝴蝶會。一日稚虹
味蓀作此會。而馬君湘艇大醉。馬與少葵爲老友。時時
相詭。是日幾奮老拳。稚虹戲作賀新涼詞。嘲之云。酒綠
燈紅。夜。恰。招。來。二。三。知。已。傳。盃。夜。話。吸。盡。西。江。斟。北。斗。
狂。興。如。潮。而。湧。更。拇。戰。譁。然。振。瓦。獨。有。伏。波。豪。氣。湧。擲。
銀。壺。飛。舞。從。天。下。驚。孺。子。魂。兒。怕。壯。懷。壓。倒。甘。興。霸。
猛。然。問。朱。顏。改。變。風。雲。叱。咤。醉。語。模。糊。渾。不。辨。倒。底。是。

真是假。可是學灌夫嫚罵。縱酒無非行樂事。又何須奮臂揮拳打蝴蝶會從今罷。

木蛋

吾邑吳氏以雞鴨蛋行致富。行中積蛋不知其幾萬億也。而月終盤計必少數百枚。既而旬日計之無不少者。主人疑爲司事竊取。司事者不甘。早暮伺之。見有蛇長數丈。身圓如盤。高踞梁上。而下垂其頭以吸蛋。相距尺許。蛋卽自戶面上。既吸十數枚。則環蟠柱間。力束其身。以破蛋。如是而一餐畢矣。既而又至。亦如之。司事恍然。

曰。吾日受主人冤。賊乃在汝。吾必有以報汝矣。乃取堅木。削爲卵狀。若干。置之筐中。而以雞子覆其上。明日蛇至。如前吸取雞子。與木卵相問。而人吸畢。環柱蟠束。亦如故。而愈束愈緊。尾左右揮掃。若有甚不適者。久之直竄庭中。旋滾不已。吳之宅畔有隙地。百草叢生。蛇又竄入草間。自起自落。踴躍傾跌。上下以數尺計。而木卵不可化矣。如是者。歷三晝夜。乃死。司事者招主人至。剗刃蛇腹。得木卵。乃言其始終。以自白云。或曰。蛇所躍處。必有化骨草焉。藏之。可以濟人。其後鄰人有骨鯁者。乞而

服之果驗。惜乎化骨者不能化木。則蛇之愚也。天。河。生。日。老。鴉。能。盜。蛋。啣。之。而。飛。啄。之。以。哺。子。傭。媼。徐。氏。親。見。之。鼠。之。竊。蛋。也。仰。而。抱。之。別。一。鼠。啣。其。尾。倒。曳。而。歸。噫。嘻。奴。婢。遇。此。何。以。自。明。哉。

教官曲

文章游戲載司嘲司慰二曲。嘉善謝君仿其調爲廣文寫照。一抑一揚。描摩盡致。予爲點綴一二節錄於此。想箇中人讀之。必當慙然慙。啞然笑也。教官嘲云。這箇閒曹埋沒英豪。壯懷都向此中消。枉才高氣高。想當年指

望功名早到而今低飛倦似投林鳥要解得一瓊清况
怎般熬聽先生自表北平燕子認新巢蒲舍三間沒秋
草說衙門清淡也要心操最怕那刁學書實弄蹊蹺那
窮門斗橫貪錢鈔急公文細看多顛倒龜不得燈前改
稿南畫眉序府城路不遙謁太尊同寅共約趨公敢憚勞迎
學憲排班貼着受用些四更門外寒風峭兩邊簷下秋
陽燥直要等糊貼封條挨查坐號南歸歌聲發案忙
飛報新進的填冊喧囂我只道來執雉何須計較他却
要算飛蚊細與推敲不是報瓊瑤投木桃無情物不值

鴻毛竟似闌闌場中書欠票直至累月經年票不銷還
與你爭論多少門北空嗟悼空嗟悼儒冠誤纔知道徒
繁縷徒繁縷囊金盡歸休好旁人謂家人笑說甚麼俸
滿遷超才優舉保南雙半生蛩負何時了問少年同學
幾輩上雲霄這便是老教官的行樂圖兒細細瞧尾又
教官慰云科第傳家不羨豪華一官原是舊生涯得安
閒便他利名場那有些兒暇從今做箇悠游者莫道是
廣文官冷動嗟呀再平情細話北醉要算遲途嘉不羨
鳴琴更高雅想簿書錢穀事亂如麻可有那幹差員火

速行查。那嚴憲札星馳催下。從來宦海風波大。俺這裏
心寬不怕。南序撫臺的威嚴。洞察學臺的品望。清華只
教你叉手三躬同坐下。好男兒一膝出來不屈他。北喜
半莽紅塵飛不到。閒門下竹院裏翠蓋陰遮。誰與你排
隊仗。左書右畫。誰給你伺傳呼。夜月朝花。正是豆含葩。
笋吐芽。先生饌品味清佳。儘好隨意留賓同下榻。只要
寒士歡顏。願不奢。也算是萬間廣廈。北四多休。暇多休
暇忙甚麼。朝和夜誰傾軋。誰傾軋。管甚麼真和假。忘機
許堪蕭灑。愛你箇日暮年華。風流儒雅。南雙無榮無辱

無牽挂看手栽桃李樹樹盡開花。這又是老教官的安樂窩兒。晚境佳。尾聲廣文爲外省清高之職。近則老病偃蹇。頽然自放者居之。英年志士不屑也。然而貧賤逼人。科名誤我。雞肋雖無味。得不俯首甘之乎。宜乎肉食者之不以正眼視也。

未入

官職卑高不足較。獨官卑而昂然自大者。甚可厭也。曩見一絕云。大艦戔戔擁上游。跟班豪僕亦輕裘。旁人細看燈旗字。分發杭州未入流。

撞車

有貴公子駕車出遊者，策馬馳驅，自矜便捷，適與五套大車相撞。擊公子顛踣於車前，因挾父兄勢，陞諸縣官。官廉得其情，謂之曰：「大車果撞小車，公子當什於後。」今公子什於前，是小車撞大車也。罰令出貲爲賈人脩車，費公子無以辨，慚忿而歸。

琵琶

人情各有所好，好之深者，壹志專精，雖亡身破家而不悔，所謂癖也。賀君少樓，謂松江何某好琵琶，少遇不如

意事無以解憂。惟聽琵琶聲則志趣怡然。神采煥發。始而延訪名手。不遠數百里求之。或館於家。或往受教。如是者有年。藝既成。遇有同善此技者。約期高會。備酒筵。賭采幣以校高下。如是者又有年。旣而造詣益工。遠近稱善。乃集游手子弟。凡箏笛檀板胡琴羯鼓之屬。座上常滿。飲饌皆伺供之。寢饋於管絃絲竹之間。未及數年。負郭田千畝盡屬他人。中年窮病。幾死。猶指琵琶屬其妻子曰。我死必以爲殉。

遺嫁

詩有似戲而本色入情者。東台某翁有愛女。遣嫁日。口占一詩送之云。汝今十七去從夫。幾句良言要聽吾。比似弟兄和妯娌。如同父母事翁姑。重重端姪原非偶。薄薄粧奩勝似無。一箇人家賢媳婦。千金難買此稱呼。較之老妻書至一律尤覺懇摯。

袁癡

袁癡者不知何許人。或曰國初時文名家也。性好游戲。多惡作劇。一友相距十里許。遣傭送信與袁。袁立於門。傭不識。問是袁癡家否。袁應之。取信而入。卽以布包。

一巨石令其返報曰此要物途中切勿息肩恐致觸損
其人忍重負歸友人啓之內有一紙云來人無知呼我
袁癡無法可施以石治之一日鄰廟演劇眷屬欲往觀
又有親串女客禁不能止乃盛肴饌重鹹味各勸飽餐
多飲以茶觀劇未半女眷欲旋袁堅留之不令去曰人
衆氣雜宜聞鼻煙已而噴嚏一聲泉流滿地矣嗣是不
敢復觀劇其他隨時後猶多類此或云吾郡吉君所爲
也

浙江本觀察北人一日上院忘攜鼻壺命僕還取之僕
南人誤爲便壺良久取至藏於身後逡巡不敢遽呈某
作京語曰鼻壺未來矣曰何不將來曰衆中不
雅某怒叱之僕乃雙手捧呈曰便壺在此合坐爲之大
笑